

沈氏尊生書卷二

傷寒論綱目

沈金鰲輯

太陽經

惡熱

綱目仲景曰心下痞按之濡大便硬而不惡寒反惡熱其脈關上浮者大黃黃連瀉心湯主之。曰發汗後只惡寒者爲虛虛乃表虛發汗後只惡熱者爲實實乃裏實只惡寒者早發其汗或汗出太過謂陽微則惡寒宜芍藥甘草附子湯只惡熱是表已解而裏不消所謂陰微則發熱宜大柴胡湯或小承氣湯。柯琴曰濡當作硬夫按之濡爲氣痞是無形也則不當下且結胸證其脈浮大者不可下則心下痞而脈上浮者反可下乎小結胸按之痛者尚不用大黃何此比陷胸更峻此必有當急下之證比結胸更甚故製此峻攻之劑也。熬按關上脈浮是陽明少陽火勢熾矣不惡寒反惡熱是陽氣盛而外越極矣大便硬是陽邪固結而不解矣此卽柯氏所謂必有急下之處也如此則濡字非簡編之誤歟。

惡寒

綱仲景曰。太陽之爲病。脈浮。頭項強痛而惡寒。太陽病。或已發熱。或未發熱。必惡寒。體痛。嘔逆。脈陰陽俱緊者。名曰傷寒。目朱肱曰。大抵太陽病。必發熱而惡寒。惡寒家。慎不可過爲覆衣被。及近火氣。寒熱

相搏。脈道沉伏。愈令病人寒。不可當。但去衣被。微火。兼與以和表之藥。自然不惡寒矣。婦人惡寒。尤不可近火。寒氣入腹。血室結聚。藥不能治。劉完素曰。惡寒者。不待風而寒。雖身大熱而不欲去衣。是由陰氣上入陽中。或陽微。或風虛。相搏之所致。惡寒一切屬表。雖裏症悉具。而微惡寒。亦是表未解也。

治法當先解外。王肯堂曰。惡寒者。風寒客於營衛。非寒熱之寒。又非惡風也。不待見風而後怯寒也。

甚則向火添被。亦不能遏其寒。經云。發熱惡寒。發於陽。可發汗。無熱惡寒而踰臥。脈沉細。發於陰。可溫裏。惡寒雖悉屬表。亦有虛實之分。若汗出而惡寒。爲表虛。無汗而惡寒。爲表實。表虛解肌。表實發汗。傷寒太陽病在表。故惡寒。少陽在半表裏。亦微惡寒。陽明在裏。本不惡寒。而或惡寒者。與太陽合病也。

綱仲景曰。病有發熱惡寒者。發於陽也。無熱惡寒者。發於陰也。目劉完素曰。惡寒者。必繼之以發熱。此

發於陽也。惡寒而踰臥。脈沉細而緊者。發於陰也。在陽可汗。在陰可溫。其止稱背惡寒者。背爲陽。腹爲陰。陽氣不足。陰寒氣盛。則背爲之惡寒。若風寒在表而惡寒。則一身盡寒矣。張元素曰。惡寒有發陽發陰二症。發於陽者。脈必浮數。宜解表。屬桂枝湯。桂枝二越婢一湯。麻黃湯。青龍湯證也。

綱仲景曰。發汗病不解。反惡寒者。虛故也。芍藥甘草附子湯主之。曰楊士瀛曰。汗後反惡寒。表雖不解。急當救裏。若反與桂枝攻表。此誤也。故去桂。薑棗加附子。以溫經散寒。助芍藥甘草以和中。腳響急。與芍藥甘草湯。本治陰虛。此治陰陽俱虛。故加附子。皆仲景治裏不治表之義。

綱仲景曰。脈微而惡寒者。此陰陽俱虛。不可更發汗。更吐更下也。曰朱搗曰。若其人熱雖多而脈甚微。無和緩之意。是陰弱而發寒。雖少而惡之更甚。是陽虛而惡寒。陰陽俱虛。當調其陰陽。勿妄治以虛其虛也。

綱景仲曰。傷寒大下後。復發汗。心下痞。惡寒者。表未解也。不可攻痞。當先解表。乃可攻痞。解表宜桂枝湯。攻痞宜大黃黃連瀉心湯。曰朱肱曰。太陽陽明少陰。皆有惡寒。要之惟太陽病。不問已發熱未發熱。必惡寒也。柯琴曰。心下痞。是誤下後裏症。惡寒。是汗後未解症。裏實表虛。內外俱病。皆因汗下倒施也。表裏交持。仍當遵先表後裏。先汗後下。正法。蓋惡寒之表。甚於身疼。心下之痞。輕於消穀。與救急之法不同。

綱仲景曰。心下痞。大便硬。心煩不得眠。而復惡寒。汗出者。附子瀉心湯主之。太陽病。寸緩關浮。尺弱。其人發熱汗出。復惡寒。不嘔。但心下痞者。此以醫下之也。曰柯琴曰。心下痞者。當有便鞭。心煩不眠。故用

此湯。但心下痞而惡寒。表未解也。當先解表。宜桂枝加附子。而反用大黃。誤矣。但以醫下之而心下痞。猶發熱惡寒。故屬太陽症。

綱仲景曰。陽明病。脈遲。汗出多。微惡寒者。表未解也。可發汗。宜桂枝湯。**目**朱肱曰。此陽明之表症也。同於太陽而屬之陽明者。不頭項強痛耳。要知桂枝麻黃二湯。專為表邪而設。不為太陽而設。見麻黃症。即用麻黃湯。見桂枝症。即用桂枝湯。不必問其為太陽陽明也。若惡寒一罷。則二方必禁。**按**仲景云。陽明病。脈浮無汗而喘者。發汗則愈。宜麻黃湯一條。乃言陽明之表脈。其症亦同太陽。故用麻黃湯發表。當與本條同看。

綱仲景曰。傷寒五六日。頭汗出。微惡寒。手足冷。心下滿。口不欲食。大便秘。脈沉細者。此為陽微結。必有表復有裏也。脈沉亦在裏也。汗出為陽微結。假令純陰結。不得復有外症。悉入在裏矣。此為半在表半在裏也。脈雖沉細。不得為少陰病。所以然者。陰不得有汗。今頭汗出。故知非少陰也。可與小柴胡湯。設不了了者。得屎而解。**目**王肯堂曰。三陰惟少陰有惡寒之症。然少陰惡寒。又有二症。發於少陰者。無熱而惡寒。宜溫之。四逆湯。理中湯。少陰無熱惡寒。似與太陽經未即熱一條相似。所謂寒未即熱者。為太陽症。具而未熱耳。少陰之無熱惡寒。蓋無太陽頭痛等症。知為少陰也。若少陰惡寒而蹠臥。時時自煩。欲去

衣被者。活人書用大柴胡下之。趙氏以爲宜溫散經邪。導引真陽。汗而解可也。若下之。非惟不能解表。反虛其裏。使惡寒之邪乘虛內陷。縱使其脈沉滑而實。亦未可遽用大柴胡。必須先解表。使惡寒症罷。而後可用也。少陰病惡寒。身蹇而利。手足逆冷者。不治。少陰四肢惡寒而身蹇。脈不至。不煩而躁者。死。有太陰自利不渴。厥陰下利厥逆。俱或惡寒。太陰宜理中湯。厥陰宜四逆湯。前既言二陰不惡寒。今又言或惡寒者。要知太陰厥陰。本不惡寒。此陽傳陰者也。三陰皆能惡寒者。陰入陰者也。特在少陰爲多耳。陶華曰。惡寒者。寒邪入營衛。則灑淅惡寒。雖一切屬表。尙在腑。陰陽所分。若發熱惡寒。兼之頭疼脊強。脈浮緊。寒邪在太陽表症也。宜汗之。照時令用藥。若無熱惡寒體蹇。脈沉遲無力者。寒邪入少陰裏症也。宜溫之。四逆湯。按此條但就脈言。曰沉曰細。俱是少陰。固不得與柴胡湯。惟推出頭汗。則猶有少陽現症。而非盡在裏矣。雖脈已屬少陰。而仍與柴胡也。且三陰脈不至頭。其脈止在身。三陽脈盛於頭。陽結則汗在頭。今陽微結。雖曰少陽。而微惡寒。畢竟尙有太陽表症之意。所以此條仍列入太陽惡寒門類。

惡風

綱仲景曰。太陽病發熱汗出。惡風。脈緩者。名爲中風。太陽病頭痛發熱汗出。惡風者。桂枝湯主之。太

陽中風。陽浮而陰弱。陽浮者。熱自發。陰弱者。汗自出。當發惡寒。淅淅惡風。翕翕發熱。鼻鳴乾嘔者。桂枝湯主之。目劉完素曰。惡寒有屬陽。有屬陰。惡風則悉屬陽。三陰症並無惡風者。以此也。惡風雖悉在表。而發散又不同。無汗惡風爲傷寒。當發汗。汗出惡風爲中風。當解肌。裏症雖具。惡風未罷。當先解外。趙獻可曰。惡風者。衛中四時之虛風。所以惡風也。其人當汗出而脈緩也。數與桂枝湯。桂枝加葛根湯。使遍體微潤。連日當自解矣。王履曰。衛氣者。所以溫肌肉。充皮膚。肥腠理。司開闔者也。故風邪中於衛也。則必惡風。惡寒惡風俱爲表症。但惡風比惡寒爲輕耳。惡寒者。雖不當風而時自怯寒。惡風者。居密室幃幕中。則無所畏。或當風或揮扇。則淅淅然而惡也。柯琴曰。風爲陽邪。風中太陽。兩陽相搏。而陰氣衰少。陽浮故熱。自發。陰弱故汗自出。中風惡風類相感也。風性散漫。脈應其象。故浮而緩。若太陽初受病。便見如此脈症。即可定其爲中風。而非傷寒矣。二條是桂枝湯本症。合此症。卽用此湯。不必問爲傷寒。中風雜病也。四症中。頭痛是太陽本症。頭痛發熱惡風。與麻黃症同。本方重在汗出。汗不出者。便非桂枝症。三條乃太陽中風之桂枝症。非謂凡中風者。便當主桂枝也。二條脈症是概風寒雜病而言。三條加中風二字。其脈其症。悉呈風象矣。

仲景曰。太陽病發汗遂漏不止。其人惡風。小便難。四肢微急。難以屈伸者。桂枝加附子湯主之。目朱

脉曰此症當溫其經。故桂枝加附子也。劉完素曰汗多亡陽則衛不固是以惡風也。桂枝加附子溫其經而固其衛也。陶華曰惡風者風邪傷衛腠理不密由是惡風悉屬於陽非比惡寒乃有陰陽之別者。按此四症並見却以汗不止小便難爲重以二者由於心腎故治之而惡風四肢急俱痊也。蓋太陽雖當汗汗不止則亡陽風乘虛入故又惡風汗多必津竭故小便難四肢者諸陽之本陽亡則不能榮筋故筋急而屈伸不利也。

綱仲景曰風濕相搏骨節煩疼掣痛不得屈伸近之則痛劇汗出短氣小便不利惡風不欲去衣或身微腫者甘草附子湯主之。國劉完素曰濕勝自汗而皮腠不密是以惡風也甘草附子湯所以散其濕而實其衛。柯琴曰身腫痛劇不得屈伸濕感於外也惡風不欲去衣風淫於外也汗出短氣小便不利化源不清也君桂枝以理上焦而散風邪佐朮附甘以除濕而調氣。按此風濕爲病而濕尤中於周身營衛之間不能推布其患爲尤重者故小便不利身腫二句最宜著眼。

振戰慄

綱仲景曰傷寒若吐若下後心下逆滿氣上沖心起則頭眩脈沉緊發汗則動經身爲振振搖者茯苓桂枝白朮甘草湯主之。太陽病發汗汗出不解其人仍發熱心下悸頭眩身動振振欲擗地者真武湯

主之。因成無已曰振者。森然若寒。聳然振動者是也。傷寒而振。皆由虛寒。蓋以欲汗之時。其人必虛。必蒸蒸而振。却發熱汗出而解。振近戰而輕者爲振矣。戰爲正與邪爭。則爲鼓慄而戰。振但虛而不至爭。故惟聳動而振也。下後復發汗振寒者。爲其表裏俱虛也。亡血家發汗。則寒慄而振者。謂其氣血俱虛也。諸如此者。止於振聳耳。其身爲振振搖。振振欲墮地。二者皆發汗過多亡陽經虛不能自主持。故身爲振搖也。又非若振慄之比矣。此二湯皆溫經益陽滋血助氣之劑。經虛陽弱得之。未有不獲全濟之功者。

綱仲景曰。問曰。病有戰而汗出。因得解者。何也。答曰。脈浮而緊。按之反芤。此爲本虛。故當戰而汗出也。其人本虛。是以發汗以脈浮。故當汗出而解。若脈浮而數。按之不芤。此人本不虛。若欲自解。但汗出耳。不發戰也。曰韓祇和曰。汗下後戰者。與救逆湯微減。與羊肉湯再投而戰解。若陰氣內盛。正氣大虛。心慄鼓。領身不戰者。遂成寒逆。宜灸之。或用大建中湯。仲景治尸厥戰而慄者。刺期門巨闕。吳綬曰。凡戰者。大抵氣血俱虛。不能榮養筋骨。故爲之振搖而不能主持也。須大補氣血。予曾用人參養榮湯得効。又一人身搖不得眠者。以十味溫膽湯倍加人參而愈。內經曰。寒之傷人。使人毛髮畢直。鼓頷戰慄而無汗。按此表寒而戰慄也。此言病有戰而汗出。因得解。其脈浮而緊。按之反芤。此爲本虛。故當戰而汗出。

也。又曰：脈陰陽俱停，以三部浮沉遲數脈同等，必先振慄，汗出而解。若脈浮數，按之不芤，其人本不虛者，則汗出解不戰也。若不戰而心慄，此陰中於邪，必內慄也。凡正氣怯弱，寒邪在內，必爲慄也。宜詳究焉。

綱目仲景曰：太陽病未解，脈陰陽俱停，必先振慄，汗出而解。但陽脈微者，先汗出而解。但陰脈微者，下之而解。若欲下之，宜調胃承氣湯。目成無己曰：戰與慄二者，形相類而實非一。有內外之別焉。戰者，身爲之搖，慄者，心戰是也。經曰：胃無穀氣，脾澀不通，口急不能言，戰而慄，卽此觀之。戰之與振，振輕而戰重也。戰之與慄，戰外而慄內也。戰慄者，皆陰陽之爭。傷寒欲解將汗之時，正氣內實，邪不能與之爭，則便汗出而不發戰。邪氣欲出，其人本虛，邪與正爭，微者爲振，甚者則戰。戰退正勝而解矣。其戰而汗因得解者，其人本虛，是以發戰。邪氣外與正氣爭，則爲戰。乃其愈者也。邪氣內與正氣爭，則爲慄。是爲甚者也。經曰：陰中於邪，必內慄也。表氣虛微，裏氣不守，故使邪中於陰也。方其裏氣不守而爲邪中乎？中氣正，氣怯弱，故成慄也。戰者，正氣勝，慄者，邪氣勝也。傷寒六七日欲解之時，當戰而汗出，其有但心慄而鼓頰身不戰者，已而遂成寒逆，似此症多不得解。何者？以陰氣內盛，正氣大虛，不能勝邪，反爲邪所勝也。非大熱劑與灼灸，又焉得而禦之？張介賓曰：戰與慄異。戰由外，慄由內也。凡傷寒欲解將汗之時，若

其人正氣內實。邪不能爭。則但汗出不作戰。所謂不戰應知體不虛也。若其人本虛。邪與正爭。微則振甚。則戰。正勝邪。則戰而汗解矣。夫戰則正氣將復。慄則邪氣肆強。故傷寒六七日。有但慄不戰。竟成寒逆者。多不可救。此以正氣中虛。陰邪內盛。正不勝邪。而反爲邪勝。凡遇此症。非大溫熱不可。柯琴曰。陽脈微二句。承上之辭。不得作三段看。太陽病。陽浮而陰弱。是陽強也。今陽脈微。卽是陰陽俱停。病雖不解。已是調和之脈。其解可知矣。脈但浮者爲陽盛。必先煩而有汗。陽脈微者爲陽虛。必先振慄而汗出。振慄是陰津內發之兆。汗出是陽氣外越之徵。此陰陽自和而愈也。

身熱惡寒身寒惡熱

綱。仲景曰。病人身大熱。反欲得近衣者。熱在皮膚。寒在骨髓也。身大寒。反不欲近衣者。寒在皮膚。熱在骨髓也。同。趙嗣真曰。詳仲景論中。止分皮膚骨髓。而不曰表裏者。蓋以皮肉脈筋骨五者。素問以爲五臟之合。主於外而充於身者也。惟曰臟曰腑。方可言表裏。可見皮膚卽骨髓之上。外部浮淺之分。骨髓卽皮膚之下。外部深沉之分。與經絡臟腑屬裏之例不同。況仲景出此症在太陽篇首。其爲表症。明矣。是知虛弱素寒之人。感邪發熱。邪浮淺。不勝沉寒。故外怯而欲得近衣。此所以爲熱在皮膚。寒在骨髓。藥宜辛溫。至於壯盛素熱之人。或酒客重感邪之初寒。未變熱。陰邪閉乎伏熱。陰凝於外。熱鬱於內。故

內煩而不欲近衣。此所謂寒在皮膚。熱在骨髓。藥宜辛涼。必也。一發之餘。既散表邪。又和正氣。此仲景不言之妙。若以皮膚爲表。骨肉爲裏。則麻黃症。骨節疼痛。其可名爲有表復有裏也乎。危亦材曰。熱在皮膚一條。仲景不立方治。宜先與陽旦湯。寒已。次以小柴胡加桂溫其表。按本條自成註以表裏釋皮膚骨髓。後人宗之。誤也。仲景論言表熱裏寒。表寒裏熱症甚多。蓋此條不曰表裏而偏曰皮膚骨髓耶。其可知矣。故獨趙氏之說。披剝精當。識見過人。足以破千古之惑。至表熱裏寒。乃少陰症。詳少陰篇中。

熱多寒少

綱。仲景曰。太陽病。得之八九日。如瘧狀。發熱惡寒。熱多寒少。其人不嘔。面微欲自可。一日二三度發。脈微緩者。爲欲愈也。宜桂枝麻黃合半湯。太陽病。發熱惡寒。熱多寒少。脈微弱者。此無陽也。不可發汗。宜桂枝二越婢一湯。目。朱肱曰。太陽熱多寒少。有此二症。其用藥皆不同也。二條以脈微弱。故不可發汗。若脈浮。雖熱多寒少。亦可發汗也。大抵傷寒。寒多易治。熱多難愈。傷寒發熱者。以寒極則生熱。治法多用冷藥。故令熱不去。仲景熱多寒少。用桂枝二越婢一湯。不渴。外有微熱者。用小柴胡加桂湯。皆溫表之義也。近時多用小柴胡湯。不問陰陽表裏。凡傷寒皆令服此藥。往往有因服小柴胡而成陰症者。仲

景雖云傷寒中風。有小柴胡症。但見一症便是。不必悉具。此爲是少陽症。當用小柴胡。不必少陽症悉具耳。況本方又有隨症加減法。古人方治。審諦如此。趙嗣真曰。詳論中熱多寒少。止此二症。其一症。仲景之意。蓋以得病七八日如瘧狀。發熱惡寒。熱多寒少。十六字。爲自初至今之症。以下乃是以後擬議防變之辭。當分三截看。若其人不嘔。圍便欲自可。一日二三度發。脈微緩爲欲愈。此一節乃裏和無病而脈微緩者。邪氣微緩者。陰陽同等。脈症皆向安之兆。可不待汗而欲自愈也。若脈微而惡寒者。此陰陽俱虛。不可發汗。更吐更下也。此一節宜溫之。若面色反有熱者。未欲解也。以其不能得小汗出。其身必癢。宜各半湯。此一節必待汗而後愈也。活人書未詳文義。却將其人不嘔。圍便欲自可九字。本是欲愈之症。反以他症各半湯汗之。又將不可汗吐下。及各半湯症語句。並脫略而不言。反將其中欲愈之症。而用彼藥汗其所不當汗。何也。其一症。仲景云。太陽病發熱惡寒。熱多寒少。脈微弱者。亡陽也。不可發汗。宜桂枝二越婢一湯。活人書於脈微弱上添都大二字。豈以仲景論脈爲未足。而故加之也乎。劉完素曰。仲景一書。只有熱多寒少之條。無寒多熱少之症。

下之熱不退

仲景曰。病人脈微而瀉者。此爲醫所病也。大發其汗。又數大下之。其人亡血。病當惡寒。後乃發熱無休。

止時。夏月盛熱。欲著複衣。冬月盛寒。欲裸其身。所以然者。陽微則惡寒。陰弱則發熱。此醫發其汗。使陽氣微。又大下者。令陰氣弱。五月之時。陽氣在表。胃中虛冷。以陽氣內微。不能勝冷。故欲著複衣。十一月之時。陽氣在裏。胃中煩熱。以陰氣內弱。不能勝熱。故欲裸其身。又陰脈遲澀。故知亡血也。○柯琴曰。此條病因。全在妄汗下。以致亡血而脈微澀。夏月四句。是寫寒熱發作時狀。是設辭。勿以無休止時。作連綿冬夏解也。

頭痛項強

○綱仲景曰。太陽之爲病。脈浮。頭項強痛而惡寒。太陽病。頭痛發熱。汗出惡風者。桂枝湯主之。太陽病。頭痛發熱。身疼腰痛。骨節疼痛。惡風無汗而喘者。麻黃湯主之。○朱肱曰。頭疼者。陽症也。太陽症。頭痛必發熱惡寒。無汗麻黃。有汗桂枝。若已發汗。或未發汗。頭疼如破者。連鬚葱白湯服。湯不止者。葛根葱白湯。成無己曰。頭痛邪氣外在經絡上攻於頭也。傷寒頭痛者。太陽專主也。故陽明少陽亦有頭痛。不若太陽專主也。蓋太陽爲病屬表。而頭痛專爲主表症。雖有風寒之不同。必待發散而後已。李杲曰。太陽膀胱脈浮緊。直至寸口。所以頭痛者。頭與寸口俱高之分也。蓋厥陰與督脈會於巔。逆太陽之經。上而不得下。故壅滯爲頭痛於上也。左手浮弦。胸中痛也。沉弦。背痛也。右手浮弦亦然。頭痛者。木也。

最高之分。惟風可到。風則溫也。治以辛涼。秋剋春之意。故頭痛皆以風藥治之。總其體之常也。然有三陰三陽之異焉。故太陽宜川芎。陽明宜白芷。少陽宜柴胡。太陰宜蒼朮。少陰宜細辛。厥陰宜吳茱萸。王肯堂曰。傷寒頭痛。雖屬三陽。惟太陽經獨多。蓋太陽爲病屬表。而頭痛專主表。雖有傷寒六七日頭痛。不大便有熱。而與承氣湯下之者。却云若小便清者。知熱不在裏。仍在表。是知頭痛屬表明矣。太陽少陰之脈。從足至胸而還。不上循頭。故無頭痛。惟厥陰脈循喉嚨之後。上連目系。與督脈會於巔。亦有頭痛。乾嘔吐涎沫。吳茱萸湯一症。却無身熱。亦與陽症不同也。然風溫病在少陰。濕溫病在太陰。而頭反痛。至於陰毒亦然。是又不可拘者。內因頭痛。作止有時。外因頭痛。常常有之。直須傳入裏方罷。

按太陽經脈。營於頭。會於項。故頭連項而強痛者。爲太陽也。

綱仲景曰。濕家病。身上疼痛。發熱面黃而喘。頭痛鼻塞而煩。其脈大。自能飲食。腹中和無病。病在頭中寒濕。故鼻塞。內藥鼻中則愈。回朱肱曰。內瓜蒂散鼻中也。柯琴曰。種種皆是表症。鼻塞而不鳴。脈大而不浮。不關風矣。脈不沉細。非濕痹矣。腹初不滿。非痰熱在裏矣。重於頭痛。是頭中寒濕可知。寒濕從鼻而入。故鼻塞。亦當從鼻而出。故內藥鼻中。塞因塞用也。

綱仲景曰。太陽病。發汗太多。因致瘧。脈沉而細。身熱足寒。頭項強急。惡寒。時頭熱。面赤。目脈赤。獨頭面搖。

卒口噤背反張者瘧病也。

國王肯堂曰：太陽傷寒項背強，其或太陽中風加之寒濕而成瘧者，亦項強。

金匱云：太陽病項背強，八八然，脈反沉遲者，此爲瘧。桂枝加瓜蒌湯主之。

陶華曰：項背強者，太陽表

邪也。發散則解。結胸項強，大陷胸湯下之。太陰結胸項強，大陷胸丸。或頻與理中丸，損甚者兼與四逆

湯。項強脇下滿，身熱惡風，手足溫而渴，小柴胡湯。陰毒初得病，項背強，咽痛心腹痛，短氣，厥逆吐利，身

如被杖，附子湯。陰毒甘草湯。正陽散，天行復作熱，至晚則腰痛，項項強，身重，葛根生薑豉湯。

按瘧

病由來不一，而傷寒發汗不如法者，亦能致之。本症頭痛雖止而頭項強急，尙屬傷寒，頭面搖以下，乃言瘧病也。此汗多亡液，不轉屬陽明而成瘧者。

綱仲景曰：太陽病項背強，八八，無汗惡風者，葛根湯主之。

太陽病項背強，八八，而汗出惡風者，桂枝加

葛根湯主之。

國成無己曰：太陽別脈下項挾脊，故太陽感風寒則經脈不利而項爲之急，頸爲之強，是

太陽表症也。必發散而解之。此二條均是項背強而發散有輕重者。蓋發熱汗出惡風者爲表虛，可解

肌無汗惡風者爲表實，可發汗也。

王肯堂曰：此二方皆發散之劑也，而有輕重，以表虛表實之不同

也。

按太陽脈自絡腦而還出下項挾脊背，此從風池而入，不上干於腦，而下行於背，故頭不痛而

項背強也。八八項背牽動之象，動中見有強意。

綱仲景曰。太陽中風。下利嘔逆。表解者。乃可攻之。其人熱汗出。發作有時。頭痛。心下痞硬。引脇下痛。乾嘔。短氣。汗出不惡寒者。此表解裏未和也。十棗湯主之。 綱張兼善曰。或謂十棗湯與桂枝去桂加茯苓白

朮湯二者皆屬飲家。俱有頭項強痛之病。何也。此經絡所繫。非偶然也。針經曰。太陽膀胱之脈。起於目內眦。皆上額交巔上。其支者。從巔上至耳上角。直者。從巔入絡腦。還出別下項。循肩膊內。挾脊抵腦中。入循膺。絡腎。屬膀胱。絡腎者。卽三焦也。夫三焦者。爲陽氣之父。決瀆之官。引導陰陽。開通閉塞。水導得出。以氣化而言也。緣太陽經多血少氣。既病則氣愈弱。其時表病而裏熱未甚。微渴而恣飲水漿。爲水多氣弱。不能施化。遂停伏於內。則本經血氣因而凝滯。致有頭痛項強之病。若伏飲流行。經絡疏利。而頭痛自愈。方中行曰。頭痛本表症。此因心下水氣泛溢。上攻於腦也。與傷寒不大便。六七日而頭痛。與承氣湯同。

綱仲景曰。太陽病。頭痛。至七日以上自愈者。以行其經盡故也。若欲再傳經者。針足陽明。使經不傳。則愈。陽明病。表裏大熱。煩渴引飲。頭痛如破者。宜竹葉石膏湯。 陽明病。頭痛。不惡寒。反惡熱。大便秘。調胃承氣湯。 綱吳綬曰。陽明病。頭痛。額前目疼。鼻乾脈長也。無汗者。葛根湯加蔥白。白芷汗之。有汗曾經發汗。頭痛不解者。葛根蔥白湯。不惡風。反惡熱。自汗煩渴。脈洪數。飲水頭疼者。白虎加白芷湯。內有燥屎。蒸